

續濟縣志卷四

濬縣知縣南海黃璟纂

建置

城池

舊志明知縣李永茂修今西城內垣坍塌二百七十餘丈  
光緒十一年知縣黃璟勸商民捐修增建四城戍舖八座  
魁星樓一座望樓二座水驛門小北門城樓二座城守營  
千總張朝柱暨委員候補典史黃璞邑人守備李承恩詹  
事府主簿王瑞麟孝廉方正周方濂生員王桓武生王朝  
彥監生李鎮雲騎尉張鴻齡等監修

黃璟重修城垣記曰城所以盛民也尤所以衛民故曰城

成也一成而不可毀也濬城跨山巔而起險固甲佗邑陸  
據其勝楊趙踵之李修甃磚石觀益壯垂三百年薄城下  
仰望瑰麗如新厥功禱而獨其西城內垣所實土坍塌竟  
數百丈蓋年遠滲漏爲霖潦所委灌譬諸病夫其標塊然  
而中則朽矣非及時補治使之充然內足標可恃乎哉况  
其下逼瞰衛河復隍之虞殆哉岌岌乎自所跨南山起北  
抵水驛門圯覆甚者履迹爲阻聞諸咸同間風鶴之警民  
咸避城內城者架木懸度以守亦幸矣哉光緒辛巳子下  
車士紳卽以請心怵怵顧信而後勞敢輕舉乎試以堤渠  
先之喜吾民之樂從而有效可睹也行舉之矣歲值水毀  
民顛徙不遑中澤嗷嗷苟幸安宅越三年歲熟民安士紳

復有請者謂其勢不可再緩與其毀而重勞孰與補治易  
遂爲之約小戶概免有地五十畝以上者每畝捐錢一十  
有四可得萬緡有奇另募商捐可得二千有奇又明年乙  
酉六月鳩工興築修內垣坍塌者二百七十餘丈四城戍  
舖增其八城樓望樓各增其二魁樓亦巍然高矗矣其磚  
墻雉堞之剝落者城濠石岸土岸之塌陷者靡不修治功  
竣於丙戌秋七月下泮是役也得贊勦之力居多寅僚張  
千總朝柱及衆紳皆綜核精詳費無虛糜尙盈八百餘緡  
議修邑之志乘具狀陳於大府檄杜大令元勳驗焉以堅  
固報大令卽前邑宰傑魁子先是大令監修省垣予曾目  
擊濬工將作因以問津大令薦良工夏連元者藏其事大

府適以大令來豈其間亦有因緣在耶捐資之商民監工之官紳請於大府給獎有差今復記其事而以二十一所之捐數監工官紳之姓名泐諸貞珉示不忘也古人云衆志成城豈欺我哉然非數年竊位其能觀厥成功否耶黃璟重修魁樓記曰蓋聞舉廢興衰者司土之職也崇文重道者士人之心也濬城之東南隅舊有魁樓邑先達馬君大士所建揆厥方向殆爲文運計乎

國朝迄乾隆間科第連縣乃明驗也光緒七年余甫下車巡視至此而高者夷矣爰進父老訪之僉曰嘉慶癸酉白蓮爲孽城者以擊賊故揭內垣甃石殆盡此樓遂不完况又厯七十餘載風雨剝蝕其不蕩爲沙塵者幾何也因念邑環

山水鍾靈毓秀代不乏人而嘉道以來登第者無幾不可  
以思其故乎周覽晞嘘竊有意焉然倉卒未遑也越三年  
約邑紳議修城城之內垣殘缺特甚姑急彼而緩此迨彼  
就理乃鳩工庀材循其陳迹先建臺次造樓最上則置一  
亭樓像文昌亭像魁宿亦曩賢遺意也是役也始於十二  
年季春越六月而竣宏敞高朗奎光之照普矣人才輩出  
揚

國家右文之休非斯舉所致乎抑卽斯舉所致乎余不敢知惟  
有志者爭自琢磨云爾若夫奎司武庫魁隸文昌前人論  
之詳矣茲從略焉懼瀆也是爲記

西門城樓同治元年知縣陳寶豐重修

東門城樓同治三年知縣杜傑魁重修

北門城樓同治十一年知縣白架重修

南門城樓光緒三年知縣程光溥重修有記

水驛門一名允淑門光緒二年知縣程光溥重修有記

文筆峯在南城稍東道光三十年知縣趙樹桐創建光緒

五年知縣程光溥重修有記

### 堡寨

李家道口寨咸豐十一年滑濬縣丞陳秉信督同邑人訓

導韓方庠生康鶴年監生趙嘉訓張基等監築土垣光緒

元年知縣歐陽霖督武舉趙廷傑等集費改甃工

白寺寨庠生楊四知楊純修監生楊好學監築石工

衛縣寨咸豐十一年邑人從九趙士立生員郭萬鎮監築  
鉅橋寨同治元年邑人同知銜趙國顯監築

劉寨咸豐十一年邑人千總孫海晏郭惠心王得陽監築  
新鎮寨同治元年庠生牛呈才貢生霍鳳林監生張廷彥  
等監築

釗寨同治元年築

南王庄寨同治二年築

淇門寨同治五年庠生姚守仁恩貢生楚作楫等監築

大屯寨同治六年庠生焦丙午等監築

寶庄寨同治七年庠生竇善長等監築

屯子寨同治七年監生沈廷相高天位等監築

曹窪寨同治七年貢生曹勞申等監築

河頭寨同治七年監生牛俊等監築

于澗寨同治七年監生赫步瀛等監築

裴庄寨同治七年監生常殿元等監築

王庄寨同治七年監生陶進魁等監築

園裏村寨一名永安寨邑人劉太康監築

下高村寨同治七年庠生單中元等監築

邢固寨同治七年邑人翰林院待詔任國英等監築

宋堂寨一名同樂寨同治七年築

焦庄寨同治七年築

魏家寨同治七年築



池棗林寨同治七年築

南皮寨

侯屯寨

胡岸寨

鄆庄寨

趙庄寨

大賚店寨

公堂寨

張寨

趙村寨

郭村所西方城寨

大武庄寨

公署 無更置者不複載

慎思堂

嘉慶十五年知縣朱鳳森修同治元年知縣李德坊重修

瑞鳳樓

同治元年知縣李德坊重修

達政堂

同治四年知縣陳寶豐重修

九山堂

舊志牧愛堂知縣陳寶豐改曰維新知縣黃璟改今名

再成軒

在九山堂後嘉慶六年知縣熊象階因修志建光緒十二年知縣黃璟續志於此重修

勤政軒

悠然亭

陶園

觀穫臺

先得月臺

三槐雙柏齋

倚倚書屋

半畝園

四望亭

眾綠園

光緒九年俱知縣黃璟修

黃璟衙齋記曰予始至濬也登城周覽喜其名山水而縣也而是城跨南山浮邱而起西俯瞰衛河縮穀水陸東揖大伾北瀾迤平原田疇村廬四望鱗次一邑之勝瞭如眎掌境內九山皆在城下治所接山麓西以城爲垣公暇屏廉從邀賓佐偶一問寫無輿騎之擾游攬輒便時秋田禾旣登納稼滌甃穰穰在目爰撤廢屋取茶稅領甃以爲觀穫之臺又以其近水也別爲先得月臺四方賓至於是乎樂之而舊令熊君再成之軒樸質完好足爲緇衣之館城下隙地可數畷芟夷荒穢太守李公遺菊適至命曰陶園

得蘚碣剔視知故有西園者循迹求之亭池雖廢遺基隱然於是痛掃溉摧翳朽匿者出之傾者立焉明張忠穆公宰濬時有挹浮亭之建謂其面浮邱也其勝見張記浮邱一名南山張亭額僅存今更築曰悠然之亭由亭而南花石雜樹是爲衆綠之園顧所植榆柳桃梅之屬閱三載成陰絕少樹木之難亦如是耶園傍城城下枕河得西洋汲水具委注口吐蜿蜒如龍就試之隔城噴薄滂沛如飛雨灌溉之功亦勤且神矣生卒不蕃果土瘠不材而人巧之不足恃乎要其地原而平可奔可射可以投壺風日清美明月之夜煙霏雲斂於時尤宜不必有蒼蔚之觀而平挹遠吞豁然心目於是又爲四望之亭折而北得隙地方半

畝更闢爲園以蒔蔬荀過園爲瑞鳳之樓樓內室也其前  
則令所治簿書地是爲勤政之軒稍西廳事以境有九山  
也額之曰管領九山遂以名其堂所向有三槐雙栢葺其  
齋延館賓課吾子又東爲猗猗書屋疏篁時露幕客在焉  
嗟乎蘇軾之言曰士大夫捐親戚去墳墓以從官於四方  
者宣力之餘亦欲取樂孟子曰與民同樂范文正亦曰先  
天下之憂而憂後天下之樂而樂今海氛未靖時艱方棘  
而吾濬前年亦水患苟幸乃治官斯土者果能後吾民之  
樂以與民同樂否吾不自知毋以宣力之餘聊宴樂嘉賓  
之心云爾光緒九年癸未春三月旣成衙齋十二詠因並  
記之

申明亭

舊志在縣前同治四年知縣陳寶豐重修

縣獄

舊志在大門內光緒九年知縣黃璟重修

馬廠

舊志在縣治後光緒十一年知縣黃璟重修

縣丞署

舊志在正堂東今廢以東門大街路南入官周宅改建

典史署

舊志在正堂東咸豐二年典史王家榮重修光緒五年典

史沈榮掇重修

千總署

在端木祠後街光緒十二年千總張朝柱購民房改建

滑濬縣丞署

在道口西門內光緒七年縣丞汪逢辰重修

協防外委署

一在大賚店同治十一年改設

一在道口鎮光緒十二年外委徐讓重修

察院

舊志在城東前街康熙間改建義學近爲城守千總署光

緒十二年知縣黃璟重修爲二十一所試館

鐘樓



舊志在縣治東儒學門卽青雲樓光緒七年知縣陳履忠  
重修

演武場

舊志在城東三里有廳三間咸豐十年知縣李德坊重修  
增爲五間

養濟院

舊志在北街西巷道光九年知縣朱鳳森重修今廢光緒  
十二年知縣黃璟重修北房六間大門一間

廣仁堂

舊志在東後街光緒十二年知縣黃璟增房十間

育嬰堂

舊志在城內今存房七間光緒十二年知縣黃璟重修

因利局

在縣庫房光緒十年知縣黃璟創設

黃璟請通行因利局議曰因利局之設所以周急裕貧惠而不費也無慮博施之難繼自有濟衆之實徵雖衛邦庶富之區無取濟人小惠而觀於其市厯於其郊面蒙袂而不前身鶉衣而百結者固無時無地而不有也其中游蕩自敗者誠無足惜亦或家無恒産門無告貸得斗水而可活偏西江之莫致此足憫矣光緒十年陳六舟中丞在豫臬任內示以揚州借錢局章程爰卽仿辦厯今三年置錢六百竿如環無端周而復始惟勤不匱其用不窮試辦之

初亦慮或滋流弊擬仿揚州擇紳耆司之而衆皆退縮勢難相強旣發念於痼瘼肯半途而中止遂決意由官試辦察其居趾則鄉約可稽也取具保人則舖家可信也立以限約則皆如期以歸考其營生則可糊口自給開辦以來閭閻靜謐草竊不聞意者廉恥之心生人各具但饑寒之苟免詎宵小之甘爲果以此舉推廣行之暫固拯貧於旦夕久且弭盜於無形洵於地方不無小補其紳耆之所以畏縮固屬南北俗殊亦由人心不古蓋官辦則有所遵畏紳辦或敢於倖嘗萬一拖欠稽延轉隳善舉現惟認真稽覈來借者察其行止取具鄉約舖保擇令誠實家丁偕同踏勘住趾認明面目依限借還悉按制錢足數旣不假手

胥吏無敢從中欺蒙况已示諭周知原本外分文不取也  
發收均在署中旣便稽察且省設局之費其原章借錢一  
千文者每日還本十文五日一繳以百日爲期收清爲止  
以八百文起至五千文止必查明實係土著良民以肩挑  
貿易爲生者方准借給其吸洋煙好賭博無家室者及在  
官人役概置勿論如蒙札飭通行實於無業貧民極爲利  
賴重刊詳細章程並以附呈奉本府陳岫軒太尊批凡遇  
升調交替之日准將未繳借錢歸入交代作抵以昭平允  
已通飭各縣體察情形設局試辦矣

學宮

先師廟

見舊志同治十三年署知縣歐陽森倡修光緒三年知縣程光溥踵修光緒八年知縣黃璟續修竣工邑人中書周景濂生員王桓等監修

黃璟重修學宮記曰自漢武敦崇儒術興大學置博士卓然有意於文教順帝用翟酺之言更修黌宇歷代相承化民成俗罔不繇此我

國家崇儒重道遠邁前古上自

太學下至郡邑凡有庠序之地莫不首建廟堂俾士大夫得所景仰歲時祭祀地方長吏率其僚屬與博士弟子員臚瞻禮焉猗與休哉典至重也濬縣黌宮創建更修不知凡幾最後修於道光戊戌至光緒乙亥復就傾圮彭澤歐陽君

霖來攝是邑瞻拜之下愴然興懷醴金如千兩謀撤而新  
之工甫作以調去後令尹閩縣程君光溥力踵修之方次  
第營繕既細費程君又溘逝遂遷延至今辛巳冬環承乏  
茲土甫下車以月吉展拜伏謁階下顧瞻徘徊堂楹苟完  
門廡未備采椽聖壑闐然弗彰心錯愕焉廉得兩君去任  
狀而不能無慨於興廢葺做如是其難也爰進邑紳董其  
事自捐俸爲倡復籌貲繼之不數月工成會舉春祀禮拜  
獻畢涉厯堂階故址依然宮牆畢起序廡秩如丹雘鮮明  
煥然改觀與祭諸君與凡諸生之在學者僉喟然興歎以  
謂事患因循果銳而圖之夫何難之有余謂不然夫二君  
之爲是舉既作而輟此非能自爲主也卽二君之後宰於

斯者非不樂速其成也殆化故不違若或使之獨諸生之  
爲學則可以自主而莫能爲之作輟使觀於此而悚然鑿  
焉母紛於事母迷其途母廢於中道層累曲折務抵於成  
有以副

國家作人之化則是舉也其於勸學度有裨乎諸君粲然以爲  
說之不謬因綴以爲記

書院

希賢書院

熊志在縣城東門內道光七年知縣朱鳳森移建南街路  
西十八年知縣王步鰲增建號舍咸豐十年知縣李德坊  
重修增置石板桌凳光緒元年署知縣歐陽霖籌款三千

縉生息爲山長脩金光緒十一年知縣黃璟復增號舍石  
桌堯舊有地一十六頃七十七畝零坐落在縣所毛村二  
十一畝零中寺所紙坊二十七畝零大屯所南皮田堤常  
屯庄頭一頃四十八畝零淇門三頃二十二畝零崔馬湖  
八十五畝零衛縣所裴家村同山三頃五畝零小河所雷  
村劉村鞏庄樂庄六頃六十二畝零白寺所張寨六十六  
畝五分釗寨十四畝零鉅橋所郝營二十二畝零

朱鳳森移建希賢書院記曰蓋聞陶鎔麟鳳必由於作人  
鼓鑄菁莪務期於得士天生人才原以供一代之用課其  
德藝貢之

大廷此豈爲科名計哉古者治民先德禮而後政刑輕法網而



重文教天下無不可化之人無不可善之俗與其令之革  
而不若俾以格心與其俯首刑章不若束身名教誠以科  
名一途所以伸天下之士氣正以柔天下之士心也哉我  
皇上稽古右文敦崇實學多士進取惟文是憑平生精力盡萃於  
斯然文章之道蓋難言矣一曰理二曰氣三曰法三者備  
而飭以藻績之詞斯爲盡善濬邑風俗素稱良善自戊午  
辛酉之後鮮有上達者今欲使之勉就師儒但恐寒賤無  
力本縣特先墊銀二千六百兩在南街設立書院一所山  
長脩金薪水生童膏火紙筆徵收淇門等處學租一一經  
理其事俾潛心肄業有其具焚膏繼晷有其資庶幾英賢  
輩起教思無窮可以罄作養之心盡文章之妙矣夫文章

之妙不難於正而難於正中見奇不難於奇而難於奇不  
失正於是揖諸生而進之務使恪遵傳註酌雅去浮闡聖  
賢之秘奧究性命之淵深本之周程張朱之理輔以班馬  
韓蘇之氣範以王唐瞿薛之法奇正相生華實並茂是乃  
文章之上乘余之所亟欲簡拔者也其或變亂體格割裂  
章旨以怪誕爲新奇以隱晦爲奧衍以短促爲簡古以繁  
冗爲淵博或掇子書或摘釋典此皆離經畔道盤輓雖工  
蓋無取焉夫文教一事廢弛易而昌盛難人才一道阨窮  
多而遭遇少余惟懼賢才攸伏夙夜孜孜自庠序而及山  
澤何嘗一日不三復於心夫立志希乎聖賢立節先乎忠  
孝讀聖賢書而學其事嘗有成仁取義之思做秀才時而

任其業已抱先憂後樂之志方今大憲優待師儒振興文  
教廣開義學各屬生童靡不歡欣鼓舞赴試爭先何獨濬  
縣一邑乎本縣爲諸生者八年負虛名者三十載居家教  
列生徒由童子而登黃甲者十餘人今乃承乏斯邑先後  
十八載語云十年之計樹木百年之計樹人殆謂是與抑  
余更有進焉

朝廷

養士培植深厚士子立身尤宜自愛鳳羽九苞其飛千仞覽

者無敢狎之矣况得而羅之乎氣節者士之羽儀也懷文

抱質潛德以居豈非巋然物望哉出而筮仕正色立朝致

身侃侃恒必由之氣節非他勵廉耻植綱常古人立志不

在溫飽每食不忘君父遠大自期罔汗流俗夫士必自重

也而後人重之端木夫子古之賢人也接聖門一貫之傳由文章而悟性與天道之旨士希賢賢希聖層累而上及其成功一也學者返而求之四子六經譬如行者之履絕嶠涉迷津忽而抵家起居食息怡然足以自樂矣濬邑爲先賢故里舊有希賢書院在東門之內初爲義學康熙五十一年前邑侯梁通洛建乾隆三十二年前邑侯趙而謙增修並改爲希賢書院有小地四十六畝乾隆四十六年前邑侯吳學會買地十四頃小地六十六畝嘉慶四年前邑侯熊象階買小地二十一畝俾教育有資均足以嘉惠來學矣昔者張忠穆公肯堂宰斯邑有青壇社約云濬非乏才也玉璞珠胎無以發之連牛之氣尙未能燭天耳他

山之攻宰斯邑者不敢不勉嘉慶十八年歲在癸酉滑縣  
教匪滋事濬邑距滑伊邇被賊圍者十餘日本縣率領紳  
士軍民人等嬰城固守三月有餘今復涖茲土尤宜振興  
學校以化邪慝因舊書院湫隘冬裘夏葛恐負居諸夫朝  
而講貫夜而服習豈可無藏修游息之地乎迺設此書院  
自廳而堂而室兩翼書樓有庖有溜門屏周繚咸煥以新  
而余尤望後之繼起者有教斯民之責擴充其量而廣大  
其規模以普被寒士之心永教思無窮之義瞻棗竹而興  
思詠干旌而何畀諸生自今伊始整飭廉隅矯矯自好風  
節表之人且改容而禮之矣當代名公咸以濬邑多佳士  
其誰不刮目以待蓋記誦詞章祇工爲梯榮捷徑不復知

有文行並重之事何以仰副

國家興賢之典大憲樂育之意哉茲者名師在望其各攻苦乃心異日人才蔚起科甲蟬聯敦厚風化是余之厚望也夫王步鰲增建希賢書院記曰濬邑希賢書院舊在邑東隅卽今察院處也余於道光十二年履任茲土會前宰陞任通守朱君鳳森志切興賢敘及舊書院地勢湫隘齋舍亦少且以軒蓋迎送之地爲師生講習之堂諸多未宜曾購民宅一所坐落南街規模宏敞擬請改建書院心竊躓之朱君旋卽在濬病逝清累綦重身後蕭然將該宅作爲公廨入欵流抵因思前宰既有志未逮後任義當成美余蒞濬後學校溝洫暨各壇廟等處遞次增修心力交瘁書院

改建號舍中立講堂後建書樓凡經室廊宇及庖湑之所  
靡不備舉繚以周牆仍於院西另建龍門及點名廳俾歲  
科縣試童冠無擁擠之虞自丁酉首夏興修迄冬告竣修  
費不貲勉竭廉泉其原價詳請分年攤認概未邀請紳民  
所冀此邦人士經明行修紹敬教勸學之宏規挹事賢友  
仁之懿範衛多君子今豈異於古所云耶是爲記

金振東重修希賢書院記曰濬先賢故里舊有希賢書院  
在東門內道光丁亥年前邑侯朱以地勢湫隘且多未便  
迺更建書院於茲仍以希賢爲名事賢友仁之風宛然如  
昨經明行修之士接踵而來嘉惠來學於是乎在越七年  
丁酉前邑侯王審視此院不無頽廢亦多未備爰鳩工庀

材整講堂添號舍書樓庖漏門屏畢新繚以周牆又於院南偏開龍門置點名廳俾學人藏修於斯游息於斯歲科縣試童子軍蟬聯而入粲乎隱隱各得其所迄今又多歷年所矣風剝雨蝕傾頽殆甚咸豐丙辰夏邑賢侯仲言李明府來泣茲土甫下車問俗觀風首重文教及課士書院觸目感懷卽慨然有興修之志但以經費不敷遲久未舉庚申春籌得公項若干遂出錢一千二百千有奇交紳士之公正者三人董茲事制龔於故規煥其新并田祖廟演武廳修葺之經始於二月中澣之吉落成又三月下旬明府屬余作文以記而余因之有感矣

國家崇儒重道稽古右文德至渥焉典至隆焉各省府州縣衛



既爲之設立學校又使之廣修書院書院者所以輔學校之不逮也故學校尙虛文書院多實效然學校縱虛文也而告朔之羊常備書院每一廢而鞠爲茂草茲幸此院而不廢曠也非明府之功乎余自三年癸丑春來典濬庠越明年攝講書院季考月課多士濟濟常勵以切磋琢磨欲共成爲有體有用之學今明府率作興事視舊加密所以期待我諸生者厚矣諸生近先賢之居如能學先賢之學志先賢之志則希賢書院與鷺湖鹿洞共千古可也衛多君子當必有聞風興起者淇澳棗竹之歌浚郊干旄之詠亦余之所厚望也夫

韞山書院

在城內浮邱山道光十一年知縣朱鳳森改尼寺爲義學  
紳士泐碑記其事光緒十年知縣黃璟重修舊有地二頃  
三十餘畝坐落東十里所屯村十六畝六分又十七畝后  
寺庄二十二畝六分又九畝三分又十八畝二分又六畝  
八分又六畝七分又地五畝王庄所牛庄八畝一分又五  
畝一分在縣所西關十七畝九分西十里所王庄一畝一  
分馬庄四十二畝六分又十五畝九分十里舖十五畝九  
分白寺所郭庄二十畝八分收租付塾師束脩

黎南書院

在道口鎮三官廟街路北光緒八年知縣黃璟創建

黃璟創建黎南書院記曰洪範旣富方穀王制民安其居

然後興學說者謂既富而教序固如是也君陳之書曰惟民生厚因物有遷厚所性也遷所習也爲民上者將使之慎於所習教可稍後乎哉濬南十有八里道口鎮縮轂水陸商賈懋遷貨物駢坐居民齷齪頗有魚鹽之饒考其經業求富益利能者輻輳無慮數百輩而詩書之澤闕然無聞禮樂不興司土者赧焉夫濬古浚都也風詩所詠彼姝媿已而康叔治衛牽車服賈之徒亦莫不雍雍孝讓何俗之厚歟抑物愛心臧所遷者善也今道口鎮誠狃於所習未之教焉遽曰沃土不材不已忍乎辛巳冬予奉檄知濬事甫下車巡閱至鎮廉諸父老鎮故有義塾勝衣之童羣焉就傳久而不講心甚惜之繼思義塾之設僅以育童蒙

入大學者靡所造焉亟思得地爲書院以廓其規顧咄嗟無以辦嘗一假鎮之大王廟爲諸生講習地矣綿蕞野設大雅所譏私心益歉然嗣聞鎮當軍興時歛金於商築堡寨後酌其宜釀修葺資曰寨費歲有贏羨不覺色然喜知是舉之成在於是也爰進士紳詢謀僉同閏三月遂得三官廟街張氏宅值銀七百八十兩有奇堂宇之屬三十有九間院區爲四講堂齋舍儲書之樓悉因舊制丹雘之無畚揭之勞無土木之費而書院以興延名師主講歲奉修幣諸生月課給獎金悉資於寨費贊是役者汪君逢辰而董其事者武舉趙廷傑增生趙廷翰也藉非鎮人勇於嚮學出乎其誠雖予與汪君勲勸導能樂從若是耶鎮據

黎水之陰院旣成顏曰黎南因其地也其義塾別置火神廟及侗寺院釐然有大學小學之分然則士之肄業於茲者其各循循院規勉於成人之有德通經致用而不囿於俗而義塾之小子亦各爭自奮發率教唯謹其有成也且將進之於院舍儼乎鄉遂之升焉此一舉也大成小成將並賴之而回憶亂離不且有投戈講藝之樂耶詩書之澤禮樂之興璟不敢居然於闐闐喧逐之區一旦弦歌之聲洋洋盈耳復有彼姝者乎吾知其有以畀予也於其成故樂爲之記他日人文蔚起由是而恢之廣廈之庇四方來學是尤予之厚望也夫

義學

見舊志者今並廢

養正義學

在城內浮邱山卽今韞山書院

維正義學

在道口財神店內光緒七年長蘆鹽廠公設

持正義學

在道口光緒八年知縣黃璟提修寨餘資設

秉正義學

在屯子光緒八年知縣黃璟重修

中正義學

清正義學

俱在瓦岡光緒九年知縣黃璟提該處浮橋會存項生息設

守正義學

在白寺光緒十一年知縣黃璟設

宗正義學

在新鎮光緒十一年知縣黃璟設

堅正義學

在淇門光緒十一年知縣黃璟設

崇正義學

在西關光緒十二年知縣黃璟因山西會館改設

糾正義學

在下

卷四

建置

二

在王庄所小灘村光緒十三年知縣黃璟設

黃璟義學記曰塾於鄉碑於公署無謂也雖然吾以謀其久也謀其久胡以碑所在非塾所在將謂塾不一塾塾塾而碑之不勝碑乎是不然夫事創自我我諗之我得而時察之前令尹之所爲則吾非周諮熟考未能得所持循也公署者令所起居而署中之堂堂下之道又令所視事出入必由目日與接者也於是乎碑之不下堂而了然心目孰與鄉便塾鄉學也以義名蓋昉於宋而制則三代之遺矣塾之設苟不遂廢其猶有古之意焉存乎奈之何古爲其實者今爲其名古務其大者今務其細古之時自洒掃應對進退以馴至於格致修齊循其序不殊其途今也不



然教之者以是爲發蒙而已矣其上明其章句考之以訓  
詁茫然也叩之以義理益茫然也其下粗知文字授之以  
帖括強應童子試斯已耳又其下稍稍習書數取足帳記  
斯已耳庠序之教孝悌之義絃歌雅頌之化概乎其未之  
聞也塾之設其猶有古之意焉否乎是不亦大可已乎雖  
然子惡夫俗之鄙而不文率其民窳焉而不可通閤焉而  
不可復明也譬諸爲溝者夫不以川之不可遽達而廢夫  
遂與溝也而大川之波其浸淫涵潤以美其田疇而豐其  
禾稼亦非遂無以取於溝非溝無以取於漁非漁與澮亦  
無由以取於川遂也者挹川於田之初基而塾也者授學  
於蒙之始事孔子曰雖覆一簣進吾往也夫不患一簣之

微而患其不進孟子曰爲高必因邱陵言有藉也夫塾亦  
二三小子所藉以爲進者歟今六年矣其童子有誦畢五  
經者矣有能爲詩文者矣有已入泮者矣於庠其效雖微  
或亦撮土之培涓流之引也夫子以其遠在鄉鎮竊恐久  
而廢也勒石堂下庶後之治於斯者有以覽焉而增益之  
俾肄業於茲者咸循循於洒掃應對進退之末由是而進  
焉入於大學是尤璟所俟諸君子者矣

倉廩

常平倉

在南門大街路東光緒六年知縣陶綬紫重修

鉅橋新倉

在鉅橋南街路東光緒五年知縣陶綬紫以四百五十緡  
買萬順號瓦房二十間樓八間文契存庫

壇廟

風雲雷雨壇

舊志在南門外光緒三年知縣程光溥重修

厲壇

舊志在北門外咸豐元年知縣倪正璽重修

文昌閣

舊志在城內浮邱山嘉慶間毀光緒十一年知縣黃璟重  
修增鴻文樓鑿亭春秋佳日軒山水清音室延旭聽月  
天開文運坊並塑二十四孝像

黃璟重修浮邱山文昌宮記曰濬城跨浮邱而起內踞其巔巖石峭削最高有文昌閣久廢今循其遺趾高瞻遠矚四面諸山衆星羅列儼乎帝車之運於中央也康熙間開原劉君宰是邑閣巋然尙存用形家言目大伾爲青龍而以此當白虎慨文運之不昌也謂白虎高踞勢宜煞於是大伾之巔太極宮起焉嗟乎太極者中之極也而竄於東此其所爲西浮邱歟夫濬之故城在黎山北以浮邱當白虎猶可說也今自宋明以來城徙據山而俗又號南山是城所襟則曰南而內包於城者中央次也東漢大伾絕頂竄青壇青壇東方色以當青龍誠允然城西去二十里有白祀山者劉君之爲邑乘也亦考知爲秦祀西岳者矣不

以是當白虎顧欲移中央之宮不亦遠乎史記天官書斗魁戴筐六星曰文昌宮四曰司命晉書三台六星近文昌二星曰上台爲司命漢書郊祀志荆巫有司命說者曰文昌第四星也五臣曰司命星名主知生死輔天行化誅惡護善也楚詞大司命云乘清氣兮御陰陽少司命云登九天兮撫彗星洪注亦據天官書定爲文昌第四星然則文昌之位枕乎魁履乎三台璣衡齊政招搖在上祀以爲文章司命誰曰不宜今特新是閣仍其舊趾考之方域斷爲中央未知劉君可作以爲何如也

魁星朱衣閣

舊志在大徑西崖光緒十年希賢書院肄業生童重修

上元李作霖重修大伾魁星閣記曰光緒癸未予謬從希賢書院遊明年秋諸生旣新魁星之閣於大伾或據孝經援神契奎主文昌且曰五星聚奎見宋史若甚惑乎奎之爲魁焉是不然夫北斗七星璇璣玉衡以齊七政魁袞然居首戴篋六星實維文昌之宮曰上將曰次將曰貴相曰司命曰司中曰司祿者魁實承之其下六星兩兩相比名曰三能三能者三台也冠文昌而履三台文明之主不是之屬而他屬耶奎曰封豨爲溝瀆其胡取焉彼援神契者識緯之書也宋史之說不主於奎而主於五星之聚居非其所烏足與魁爭人物之權而司文昌之命哉太史公學究天人諸生讀其書以解惑焉可矣大伾禹蹟文命所敷

諸生復新是閤星迴杓轉瑤光曜臨吾知魁奇俊偉必有  
精通象應者諸生勉乎哉閣建康熙初劉公德新重修之  
久而復圯今爲楹二上文昌右朱衣左踏巨鰲提斗而載  
筆者魁之精也出錢姓氏董其役者并記於左

火神廟

舊志在南關外道光三十年邑人重修

一在新鎮西門外康熙十三年邑人修

馬王廟

舊志在縣署東光緒十一年知縣黃璟重修

東岳廟

一名天齊廟

舊志在亓山光緒九年知縣黃璟重修

泰山新宮

俗名奶奶廟又名碧霞宮

舊志在浮邱山同治十二年闔邑紳民重修

金龍四大王廟

舊志在西門外光緒十年知縣黃璟重修

黃璟重修金龍四大王廟記曰廟以移稱移必有處今李碑巋然不言所自志亦不詳獨載明徐渭所爲王傳具姓氏事實甚晰吾以知王之忠憤而神也傳王謝姓諱稽其功緒之緒宋會稽諸生曰金龍因王葬地曰四大王王生時行列也方度宗十年甲戌秋大霖雨天目山頽王會衆泣誓卒赴水死宋難明初神異特著詔封用王儀迄今江淮河漢四瀆之間遇險靈助不獨黃河爲然矧在於濬然



濟之仰沐王休有不可不紀者璟治濟之三年光緒癸未  
七月大雨衛河承西山挾淇水下注湍流漲溢城西隄岌  
岌將潰卽廟前石隄也又南五里羅村隄亦就圯並乘夜  
捍禦得毋潰非神嘿呵護豈璟之所勤及也耶厥後郭村  
既決勢益瀰漫渰沒民田逾三十萬詔會璟所重浚長豐  
亭子諸渠先一年成賴有所涿橫潦立涸播種無失時其  
冬禹王廟成都人土碑之備述其事歸德於子於虘子滋  
愧已夫職司民牧不能先事預防備至又不克力捍原廩  
補苴其後所傷多矣都人士不以符子轉相歌頌之以辱  
貞珉然則神之嘿相呵護城郭若此得安然衽席其受福  
於無形者璟又烏可嘿嘿已耶雖神之靈威廣運不專在

於濬而吾濬之受惠於神將使金隄永固官與民常享無事之福非神是賴而孰賴也十年春既重新王廟爰製爲迎享送神之詩以貽濬人俾春秋時饗歌以祀焉其詞曰  
天目山兮江之滸蒼之水兮龍飛舞篤生異人兮我王山  
其頽兮王悲傷從彭咸兮湯湯帝下詔兮巫陽炳靈光兮  
戰呂梁蠻子懼伏兮金甲輝煌河北流兮志遂莫狂瀾兮  
千萬歲康吾民兮利濟永苾覆兮神之惠

一在道口北新店光緒十二年鹽商醱萬金重修

一在道口西南隅光緒四年山西賑運道員丁益綬誠禱

水長數尺浮送糧船稟請

奏頌

御書澤流九有匾額

龍神廟

一在浮邱山城隍廟內道光二十一年知縣高翔重修

一在黑山嘉佑寺東雍正四年邑人重修有記

一在白寺所左窪北崇禎七年建邑人孟楠撰碑

一在鉅橋所王得林屯明萬曆三年建有知縣任養心禱

雨碑

八蜡廟

舊志在南郭外道光十五年知縣袁銘泰重修有碑記光緒八年知縣黃璟重修

城隍廟

舊志在南門浮邱山光緒八年知縣黃璟重修

黃璟重修城隍廟記曰城盛也言乎盛受國都也隍瀆也屬之城者見於易訓於爾雅而其制自黃帝始嗚呼此城隍之名所由昉歟記曰伊耆氏始爲蜡而坊與水庸屬焉說經者曰坊所以畜水亦以障水庸所以受水亦以泄水是有神焉以主其營爲所須之事故祭之嗚乎此城隍之祀所由昉歟今上自

天子之都以下逮於州縣吏之所治無不有城無不有隍卽無不有廟焉以祀其城隍之神典甚盛也爲之說者謂神司善惡之報操禍福之柄官治於明而神治於幽陰陽屈伸之理不可誣也夫神道設教先王之微意吾何敢知抑重有

感者環之治濬也越三年癸未秋霖潦大作衛流漲溢城之西故以河爲隍者也無事則西陂之田蓄泄利賴是年之決當郭村馬頭挾洪水下注勢湍悍不可禦城西旣以河爲隍卽以城爲坊者也西岸大王廟隄且立潰倉猝捍備無所措予默禱於神力防礙得勿潰嗚乎非神之靈有以默贊之歟廟舊在城外明隆慶中重修碑言神靈異甚晰是年夏余因其舊制完葺而月堊之平時雨暘禱靡不應神之福惠吾民者豈有窮哉予旣感神之靈佑而益信坊與水庸所以資保障利疏泄者非人力所可及宜乎上自伊耆以來奉爲祀事而歷代詔封典制益隆有獨超異於蜡之羣祀中也嗚乎懿哉

衛縣城隍廟

在衛縣北門外故縣治嘉慶間土人重修

土地廟

舊志在儀門左

一在署後光緒九年知縣黃璟俱重修

一在南門內道光八年邑人重修

禹王廟

舊志在大伾山頂光緒十年知縣黃璟重修並補建文命亭

黃璟重修禹王廟記曰予既修禹王廟於大伾落成拜謁望黃河故道而不能無慨然歎也曰嗟乎河水之害豈自

唐虞然矣世言治河無善策其信矣哉雖然九河入海禹之故道天津是也自是厥後安瀾者千數百年迨九河既涇東漢永平時河稍南徙抵千乘入海千乘今之武定由濟而下者也安瀾亦九百餘年迨八河復涇至宋南渡乃折而南吞淮入海所謂南河者也今南河復涸復由濟而下其殆復千乘之舊乎異哉向之安流者垂千年今幾何時患乃至此嗟乎是亦未得水之性而已矣賈讓之策曰決黎陽遮害亭放河北入海當世難之後之人亦嘗讓以爲迂誕不知讓之策非好爲迂誕亦順其就下之性爰以復禹之舊斯已耳予向游京師取道津沽見自分水龍王廟下勢若建瓴由德州至天津其地勢何如也今水之不

北者果水之性耶其潰溢滯淤於東重爲民患者又果水之性耶南河淤矣不可以復折而東灌乎清濟仰而受者不可遏俯而注者無所歸清者濁濁者塞矣欲河之不潰弊弊焉增卑培薄之是務是欲止孺子之啼而塞之口也得乎哉今河之勢其亦欲復禹之舊乎吾不敢知願嘗妄論導河之易可以久安長治者固無愈於由津入海之爲便也無他就下則然也孟子曰禹之治水行所無事豈不以是也哉或曰河北行無害千年固已黎陽東郡之役非漢時事乎嗚乎是又不審時勢之說也夫漢承周末列國紛爭各曲防自衛禹功大壞今

聖天子在上天下一家河行南南不免於害河行北北不免於害



亦權其害之小者處之耳惟不與水爭地力且可使地享水利無曲防也無淤塞也水得其就下之性尾閘泄利仰而承者有以翕受何患之有哉夫乃知禹跡之必不可改而明德之遠垂千萬祀而不朽於庠熾哉廟旣成謹書於石願以質諸治河者

黎公祠

舊志在南門內街東光緒元年知縣張寶禧偕端木繼敏重修

一在城西宜溝鎮南明嘉靖中建康熙四十二年九月重修十二月初七日

聖祖仁皇帝西巡回鑾端木謙淇縣接

駕奏明祖祠在濬

天顏怡悅顧問再三初八日在宜溝祠前奏求

御匾是日至彰德行宮

御書賢哲遺府四大字又

特遣

皇子詣祭

黎公墓祠

在大伾山東南三里張家庄北見舊志同治七年端木繼

敏光緒十年端木廣恕重修

附

端木世系

七十五世傳詩字緒周因疾未襲翰林院五經博士

七十六世繼敏字承恩道光十七年承襲翰林院五經博士

七十七世廣恕字心如附生現應襲

以前見舊志

### 關聖廟

舊志在西門內咸豐七年知縣李德坊重修

一在縣署西偏道光八年知縣朱鳳森重修

### 包公祠

舊志在縣署東道光二十八年知縣趙樹桐重修

### 忠孝王公祠

舊志在浮邱山祀元知州王士元及其子致微也道光七年知縣朱鳳森重修

朱鳳森重修王公祠記曰忠孝節義國之四維四維不張國乃滅亡元順帝至正閒丞相伯顏哈麻相繼弄權元政不綱羣盜蜂起夫以元太祖之深沈大畧用兵如神滅國四十遂平西夏元世祖仁明英武混一區宇坐致太平求賢納諫知人善任制禮作樂民物康阜可謂盛矣而順帝以外藩入承元統以天下大事決之宰相而弗躬自聽斷恐負惡名以致羣雄割據鬻切瓜分嗚乎其衰也公諱士元字堯佐恩州人泰定四年進士累官直省大明府濬州有惠政屢經賊掠城堞不完公能親率士民力爲捍禦

蓋以死勤事謂之忠移孝作忠謂之孝元至正十七年賊逼濬城兵潰公身服蟒玉危坐大堂顧其子致微曰吾守此土城存與存城亡與亡臣之職也爾爲先人延血脈可舍我而去其子致微涕泣不忍賊且至問公爲誰曰我知州王士元也罵賊不屈遂被害其子相從與之俱死是忠孝出於一門而大元一朝所不數數覩者也濬人德之專其祀於浮邱山下每歲五月祀之三日率以爲常甚矣民之秉彝好是懿德蓋其忠孝之氣上燭於天世之偷生者雖生如死而公浩然之氣千古如生其入於人之深至於如此也烈哉明嘉靖二十七年知縣陸光祖重建明萬曆五年知縣任養心崇禎四年知縣張肯堂暨我

大清嘉慶七年知縣熊象階等重修嘉慶十八年滑縣教匪滋事余官濬邑率領同寅紳士軍民人等嬰城固守三月有餘賴公之靈默相我士民得以安堵無恐道光七年歲次丁亥余重蒞茲土欽承

聖天子之洪福時和年豐麥禾大稔而濬民之好義者咸以忠孝之德光於日月泉布丹雘煥焉以飭衆紳士請余爲文余不敏自嘉慶辛酉成進士已二十有七年筆硯荒疏久矣雖然敢不以忠孝自勉遂援筆而樂爲之記又歌曰嗚呼我公遭時之不利兮國破家亡誰與歸浮邱山下一抔土父子俱沒知者誰恩州茫茫家萬里骨肉鍛盡天之涯犧牲作饌酒斯酌神兮歸來何所託元政不綱公天下亂賊

破我城兮城已陷荼毒生民兮玉石焚傷心劓目兮疇與  
捍奮拳一擊兮山川碎不生噬賊兮我之罪皇天后土兮  
鑒此心兩朝閱盡孤臣淚有子有子兮星之精忠孝傳家  
兮簪之纓歲維龍蛇兮戕我生上報大元兮忠與貞從公  
地下兮著不朽之英聲綱常名教兮萬年不敝塞乎天地  
兮浩然之氣爲聖賢之所許兮成仁取義懿我之生兮在  
桂之林忠孝相感兮同此心賊圍我城兮賴公靈民之好  
義兮輪奐新何以迎神兮公歌此章何以送神兮公歌此  
章惟忠孝之燭天兮與日月而爭光

節孝祠

在縣前東偏

昭忠祠

義烈祠

在節孝祠右同治十一年知縣白樂俱重修

劉公祠

在大伾山壺天道院西偏邑人祀知縣劉德新像先爲吏  
隱斥有記光緒十一年知縣黃璟重修

劉德新吏隱斥記曰予旣於茲山之崖鑿石作洞因而公  
餘數詣是地一以依依玉臺之畔庸勤展禮一以逍遙於  
石泉松月間聊偷浮生半日之閒羽客青霞念予之僣僣  
來也乃搆此室爲予停屐之所夫子非堯夫子瞻敢望人  
之爲築安樂行鶴與寒碧堂耶旣而青霞更請予爲之名



以額之子曰石癡子身披墨綬心娛白雲黎陽其作吏地而茲山則所吏隱鄉也遂額以是名斥之爲言以室成於石循平山之斥云爾

李朱二公祠

在王公祠東偏祀明崇禎間修城知縣李永茂嘉慶十八年守城知縣朱鳳森並附祀光緒三年辦賑積勞病故知縣程光溥闔邑紳民建

橋梁

雲溪橋

在西門外光緒四年河南候補道潘觀保在濬辦賑重修十二年知縣黃璟重修俱城守千總張朝柱督工

南門石橋

光緒四年邑人重修

北門石橋

光緒十二年知縣黃璟勸邑人重修

道口石橋

在道口西寨門外見舊志光緒八年武舉趙廷傑監生裴映辰馬松森等重修

道口浮橋

見舊志嘉慶十八年燬於教匪事定重設

普濟橋 一名樂輪橋

在新集明陝西道監察御史王璜建乾隆二年修光緒十

年知縣黃璟重修

利濟橋

在屯子馬頭爲西渠溝水必由之道光緒十二年知縣黃璟勸鹽商重修

衛縣板橋

在衛縣所北紙坊西跨淇水光緒十一年增生張體中附生郭拱辰等修

龐村石橋

在八角所龐村光緒三年村人龐有道獨修坊表舊志已載者不復列

天開文運坊

在城內浮邱山光緒十一年知縣黃璟建

節孝總坊

一在城外浮邱山光緒十一年知縣黃璟建

一在南關城隍廟前光緒十二年知縣黃璟建

彤管雙標坊

在董庄爲張聚善之妻趙氏張聚德之妻李氏建

邢烈婦坊

在東門外光緒十二年知縣黃璟補建

激揚衛水坊

在縣門右光緒十二年知縣黃璟創建

管領佻山坊

在縣門左光緒十二年知縣黃璟創建

道德坊

在東後街光緒十二年邑人固始縣教諭劉秋祺門人公建

一帆風正坊

在水驛門泊船處光緒十二年知縣黃璟建

附義渡

一在屯子所上馬頭順治七年商人置贍渡地七段三十餘畝有碑磨滅不可讀

一在道口所柴灣光緒十二年知縣黃璟勸邑人千總王畏三重修

一在道口光緒十年知縣黃璟勸寨紳重修

一在屯子三官廟光緒十二年知縣黃璟勸鹽糧商人捐

置船隻

附義塚

一在外南山水陸殿西山坡地三段二畝二分零江蘇會

館買邢姓地

一在外南山靈官橋南山坡地三段二畝三分零江蘇會

館買牛姓地

以上二塚均光緒四年河南候補道潘觀保在濬辦賑

置掩饑民骼胔故券署江蘇會館

一在大伍山下光緒十二年知縣黃璟買陳姓地二畝一

分零文契存庫

附

寺觀

天寧寺

在大伾山東崖見舊志寺內有藏經閣藏經五千卷光緒八年知縣黃璟重修並補建寺後偉觀亭紫來亭移修靄靄亭又寺後有大佛閣同治六年邑人邢文魁文彬重修光緒六年磁州知州張寶善重修

千佛寺

在浮邱山頂見舊志咸豐十年邑人重修

興國寺

在大伾山見舊志同治六年邑人邢文魁文彬重修

延壽寺

在鐘寺所見舊志咸豐七年重修

福延寺

在大屯見舊志同治十二年重修

普照寺

在小河所北見舊志嘉慶四年重修

嘉祐寺

在黑山見舊志光緒九年生員張璟等重修

雲錦寺

在善化山南舊志作屯子有明知縣李永茂詩刻



壽甯寺

在侯家崗有正德九年鐘重六百斤

文殊寺

在樊庄唐泰和元年建明萬曆二十六年重修

菩薩廟

在裴庄所蓮池村廟內方池種蓮水出善化山

一在觀瀾門外光緒十二年僧人源美募化重修

玉皇廟

在大伾山頂見舊志光緒十一年知縣黃璟重修

長春觀

在城東南隅見舊志光緒十二年閭邑紳商重修

三官廟

一在新集村南明初修廟有古槐

一在鐘寺所飯店明萬厯間修

一在屯子北五里衛河東岸廟之石基圯於河光緒十二年道口鹽糧商人修河爲重修石基殿宇增屋六間

真武廟

在北門外見舊志光緒十年知縣黃璟重修

黃璟重修真武廟記曰余舊以母疾嘗自宛以禱於均州武當山山所謂太嶽者也其峯最高者曰天柱紫霄明永樂中望氣者謂有所應非元武不足以當宮而祀焉因更名嘗考元武北宮六宿其象斗與女合屬乎虛危說者曰

虛危營室陰陽終始之處際會之間又曰北方冬水知也聽也嗟乎此人所爲疾痛而呼籲焉者耶次年予再詣山申虔感前十二年事也歲辛巳承乏來濬北郊故有真武廟俗傳爭樂土國云云蓋難言之顧予謁武當廟亦稱真武其宮則曰元天也太元也今廟一曰元帝廟意者如古五帝之祠元帝者其史所云北時者乎廟久漸傾圯又用道家言夷於二氏祀典不載考志乘不入於建寘予獨感於禱疾之行而不能無怛怛也入廟伏謁顧瞻徘徊懷乎武當之游如昨日事而所爲二十七峯與夫太和玉虛諸境地恍然目前於虐神之威靈昭曜宙合有明以來廟祀遍海內豈獨私武當一山也哉今往事歷歷而吾母棄祿

養蓋十年矣音容追慕能勿怵然悲哉然則向者之禱神之知其亦聽焉否乎倘所謂陰陽終始之處固不可測乎抑予敬畏之忱固有不能已者爰葺其頽敗並以誌予之重有感也

一在長壽村明崇禎十年修嘉慶元年知縣官懋斌重修  
太極宮

舊志在大伾山知縣劉德新建光緒十二年知縣黃璟重修並起呂仙卧像重塑創建停雲亭於其前上下千古縱橫萬里之亭於其右